

七十二家集

賈長沙集引

賈生為灌絳所嫉然賈
生未嘗不利于灌絳也
禮大臣之說早行則絳
侯何至憂獄吏之貴乎王
封太強未幾而所在噂

嗜又何奇中也獨新進
少年鋒穎太著使人謂
簡栗犢便任重致遠反
作意羈之耳賈集久無
單行新書割裂封事畫
隴分阡他如封建鑄錢

諸疏簿有增益別標名目
自屬子部今俱不采其
駭賦及疏牘散見傳志或
他書者為長沙集孔門用
賦故知升堂撫時英觀亦
具露一斑矣

紹和張燮撰并書

賈長沙集目錄

卷之一

賦

吊屈原賦

王逸註

旱雲賦

虞賦

同前

服賦

王逸註

騷

惜誓

王逸註

卷之二

疏

論時政疏

卷之三

疏

論積貯疏

上郡輸疏

諫鑄錢疏

請封建子弟疏

諫立淮南諸子疏

論

過秦論

上

過秦論

中

過秦論

下

附錄

賈生傳

漢司馬遷

賈誼傳

漢班固

吊賈誼文

有序

晉庾闡

悼賈

唐皮日休

過賈誼宅

唐劉長卿

過賈誼宅

唐戴叔倫

賈生

唐李商隱

賈長沙

明張燮

遺事

集評

賈長沙集卷之一

漢雒陽賈誼著

明閩漳張燮纂

賦

吊屈原賦

王逸註

恭承嘉惠兮竢罪長沙仄聞屈原兮自湛汨羅
造託湘流兮敬弔先生遭世罔極兮廼隕厥身
从古側字湛古沈字羅叶盧加切 造七到切極止也詩曰讒人罔極
烏庠哀哉兮
逢時不祥鸞鳳伏竄兮鳴鴉翔翔闔茸尊顯兮

讒諛得志賢聖逆曳今方正倒植謂隨夷溷兮

謂踞蹠廉莫邪爲鈍兮鋌刀爲銛

人勇切鯨史作顛鰭息靈切聞耳下情不肯之
人也植立也隨下隨歸天上而不受夷伯夷讓
國而後死而盜跖驕淫於秦楚千嗟默默生之
之人蓋也英邪寶器名石精也

王故分幹棄周鼎寶康瓠兮騰駕罷牛驂蹇驢

今驥垂兩耳服鹽車分章父薦屨漸不可久兮

嗟苦先生獨離此咎兮

嗟苦先生獨離此咎兮

嗟也苦勞苦也若語辭

諱曰

諱音碎史作詆諱告也卽亂辭也

已矣國其

莫吾知今子獨壹鬱其誰語鳳縹縹其高逝兮

夫固自引而遠去襲九淵之神龍兮沕淵潛以

自珍倂𧈧𧈧以隱處兮夫豈從蝦與蛭蟻所貴

聖之神德兮遠濁世而自臧使麒麟可係而羈

兮豈云異夫犬羊

吾史作我無兮子字壹史作堙語去聲縹匹遙切史作漂

逝史作遙引史作絕沕音昧又于筆切倂音面

𧈧音臬𧈧音閩三字史作彌融爚又作彌蜴蜺

蝦音遐蛭音質蟻音引叶平聲臧古藏通壹鬱

猶佛鬱也縹輕舉貌襲重也九淵九旋之淵言

至深也倂背也𧈧𧈧皆水蟲害魚者蝦蛭蟻亦

水蟲之小者言龍自絕於𧈧𧈧况肯從蝦與蛭

蟻般紛紛其離此郵兮亦夫子之故也歷九州
而相其君兮何必懷此都也鳳皇翔于千仞兮
覽德輝而下之見細德之險微兮遙增擊而去
之彼尋常之汙瀆兮豈容吞舟之魚橫江湖之
鱣鯨兮固將制乎螻蟻般音班字從冊音之丹郵與尤同史作尤故叶
音孤史作辜歷史作曉也其君史無其字汙一胡切鱣升連切螻音婁螻蛄也蟻與蟻同叶五居切般反也離遭也郵過也歷經過也八尺曰仞增重也六尺曰尋倍尋曰常汙瀆不泄之水也鱣大魚無鱗曰在腹下鯨魚長者數里

旱雲賦

惟旱天之大旱兮失精和之正理遙望白雲之
蓬勃兮滃滃澹澹而妄止運清濁之瀾洞兮正
重沓而竝起鬼隆崇以崔巍兮時彷彿而有似
屈卷輪而中天兮象虎鷹與龍駭相搏據而俱
興兮妄儷倚而時有遂積聚而合沓兮相紛薄
而慷慨若飛翔之從橫兮揚波怒而澎湃正雲
布而雷動兮相擊衝而破碎或窺電而四塞兮
誠若雨而不墜陰陽分而不相得兮更惟貪婪

而狼戾終風解而霧散兮遂陵遲而堵潰或深
潛而閉藏兮爭離刺而竝逝廓蕩蕩其若條兮
日昭昭而蕪穢隆盛暑而無聊兮煎砂石而爛
熯陽風吸習煊煊羣生悶憊而愁憤攏畝枯槁
而失澤壤石相聚而爲害農夫垂拱而無事兮
釋其耰鉏而下涕悲疆畔之遭禍痛皇天之靡
惠惜稚稼之早夭兮離天災而不遂懷怨心而
不能已兮竊託咎於在位獨不聞唐虞之積烈
兮與三代之風氣時俗殊而不還兮恐功久而

壤敗何操行之不得兮政治失中而違節陰氣
辟而留滯兮猷暴戾而沈沒嗟乎作孽大劇何
辜于天恩澤弗宣嗇夫寡德羣生不福來何暴
也去何躁也孳孳望之其可悼也僚兮慄兮以
鬱怫兮念思白雲腸如結兮終怨不雨甚不仁
兮布而不下甚不信兮白雲何懟奈何人兮

虞賦

攷太平以深志象巨獸之屈奇
妙彫文以刻鏤
屈循尾之承垂舉其鋸牙以左右相指負大鍾
而欲飛

同前

妙彫文以刻鏤兮象巨獸之屈奇
今戴高角之
戕戕負大鍾而顧飛美哉爛兮亦天地之大式

服賦 王逸註

單閼之歲四月孟夏庚子日斜服集余舍止於

坐隅貌甚閑暇

閑於葛切斜史作施叶音斜歲下史有兮字至篇終並同太歲

在卯曰單閼文帝六年丁卯也

異物來辟私怪其故發書占之

讖言其度曰野鳥入室主人將去

辟史作萃讖初禁切史作

策辟聚也讖驗也

問於子服余何去之吉虜告我凶言

其災淹速之度語余其期

問於史作請問子史作于速史作數子服

者加之美稱也

服乃太息舉首奮翼口不能言請對以

意萬物變化固亡休息

意叶音億史作臆

幹流而遷或

推而還形氣轉續變化而嬗沕穆亡間胡可勝

言

幹音管還音旋嬗音蟬與禪同沕音勿幹轉也嬗和傳與也沕穆深微貌禍兮福

所倚福兮禍所伏憂喜聚門吉凶同域倚伏二句老子

之

彼吳疆大夫差以敗越棲會稽句踐伯世音句

鉤伯讀作霸會稽山名句踐越王名避吳之難保於此山故曰棲也斯遊遂成卒

被五刑傳說胥靡乃相武丁斯李斯也遊於秦始皇以為丞相後

為趙高所譖具五刑而死傳說事見騷經胥靡連鎖役作也夫禍之與福何

異糾纏命不可測孰知其極纏音墨索也測水史作說糾絞也水

激則旱矢激則遠萬物回薄震蕩相轉震史作振水激

則去速而流盡故旱也或曰旱與得通雲蒸雨降糾錯相紛大鈞

播物塊比無垠糾錯史作錯繆鈞史作粵播史作樂塊鳥則明此於點切造无

者謂所轉者為鈞言造化為人亦猶陶天之造无故謂之大鈞也塊比無限齊也天不可

與慮道不可與謀遲速有命鳥識其時謀叶謨悲切速

史作數鳥史作惡且夫天地為鑪造化為工陰陽為炭

萬物為銅以治鑄為喻合散消息安有常則千變萬

化未始有極則法忽然為人何足控揣化為異

物又何足患揣音團史作搏患音環小智自私

賤彼貴我達人大觀物亡不可智史貪夫徇財

賈長沙集 卷一 七

列士狗名夸者死權品庶每生以身從物曰狗每貪也史作憑

品庶猶庶品也休迫之徒或趨西東太人不曲億變齊

同林虔觸二音億漢書作意今從史休為利所誘也迫為勢所逼也趨西東言所向不定也

十萬億愚士繫俗儻若囚拘至人遺物獨與道俱

儻音塊又欺全切史作欄華枚切衆人惑惑好惡積意真人恬

漠獨與道息惑史作誠意於力切積意言積之胸臆也恬安也漠靜也釋智

遺形超然自喪寥廓忽荒與道翱翔喪息亮切叶平聲

乘流則逝得坎則止縱軀委命不私與已坎史作堪

謂水中其生兮若浮其死兮若休澹淳若深淵

小洲也

之靚汜庠若不繫之舟

史無二今字靚與靜同史作靜

不以生

故自寶養空而游

寶漢書作保游漢書作浮今從史養空而游若空舟也

德人無累知命不憂細故芥蒂何足以疑

滯丑介切

史作懣芥史作薊疑

叶音牛芥蒂小草也

騷

惜誓

王逸註

惜余年老而日衰兮歲忽忽而不反

言已年老力衰歲月

卒過而功不成名不立也

登蒼天而高舉兮歷衆山而日遠

言已想得道真上升蒼天經

歷衆山去我鄉邑日以遠也觀江河之紆曲兮

離四海之霑濡

言已遂見江河之紆曲志爲盤結過四海之風波衣爲濡濕心

愁身苦憂悲且思也

攀北極而一息兮吸沆瀣以充虛

周流行求道真冀得上攀北極之星日休息吸清和之氣以充空虛療饑渴也

飛朱鳥

使先驅兮駕太一之象輿

言已吸天元氣得道真卽朱雀神鳥爲我

先導遂乘太一神象之輦而遊戲也

蒼龍蚺虺於左驂兮白虎騁

而爲右騂

言已德合神明則駕蒼龍騂白虎其狀蚺虺有威容也

建日月

以爲蓋兮載玉女於後車

言乃立日月之光以爲車蓋載玉女於後

車以待棲宿也

馳騫於杳冥之中兮休息虤崑崙之墟

虤古乎字後同言已雖馳騫杳冥之中修善不倦休息崑崙之山以遊觀也

樂窮極

而不厭兮願從容乎神明

言已周行觀望樂無窮極志猶不厭願復

與神明俱遊行也

涉丹水而馳騁兮

丹水猶赤水也淮南言赤水出崑崙

也

右大夏之遺風

大夏外國名也在西南言已復渡丹水而馳騁顧見大夏

之俗思念楚國也

鴻鵠之一舉兮知山川之紆曲再舉

今睹天地之圜方

言鴻鵠養其羽翼一舉則見山川之屈曲再舉則知天地

之圜方身居蓋高所瞻愈遠也以言賢者亦宜高望遠慮以知君之賢愚也

臨中國

之衆人兮託回飈乎尚羊

尚音常尚羊遊戲也言已臨見楚國之中

衆人貪佞女託回風遠行遊戲也

乃至少原之壁兮

少原之壁仙人所居

赤松王喬皆在旁

言遂至衆仙所居而見赤松子與王喬也

二子擁

瑟而調均兮

均亦調也

余因稱乎清商

清商歌曲也言赤松王喬

見已歡喜持瑟調絃而歌我因稱清商之曲最爲善也

澹然而自樂兮

衆氣而翱翔

衆氣謂朝霞正陽淪陰沆瀣之氣也言已得與松喬相對心中澹然

而自欣樂但吸衆氣而遊戲也

念我長生而久僊兮不如返余

之故鄉

言屈原設去世離俗遭遇真人雖得長生久僊意不甘樂猶思楚國念故鄉忠

信之至恩

黃鵠後時而寄處兮鵠皋羣而制之

義之篤也

言黃鵠一飛千里常集高山茂林之上設後時而欲寄處則鵠皋羣聚禁而制之不得止也言

賢者失時後輩亦神龍失水而陸居兮為螻蟻

之所裁

螻蟻蛄也蟻蚍蜉也裁制也言神龍常潛深水設其失水居於陵陸之地則為

螻蟻蚍蜉所裁制而見啄齧也以言夫黃鵠神

賢者不居廟堂則為俗人所戕害也

龍猶如此兮况賢者之逢亂世哉

言黃鵠能飛翔神龍能存

能亡奄然失所為鵠皋螻蟻所制其困如此何况賢者身無爵祿為俗人所困侮固其宜也

壽冉冉而日衰兮固儻回而不息

儻回運轉也言已年壽其

以衰老而楚國羣臣承順君俗流從而不止兮

衆枉聚而矯直

枉邪也矯正也言楚國俗人流從謂諛諛不可禁止衆邪羣聚反

欲正忠直之或儉合而苟進兮或隱居而深藏

士使隨之也言士有儉合於世苟欲進取以得爵位或有修行德義隱藏深山而君不照知也苦稱

量之不審兮

稱所以知輕重同權槩而就衡

胡郎切槩平也權衡皆稱也言患苦衆人稱物量穀不知審其多少同其稱平以失情實則使

衆人怨也以言君不稱量士之賢愚而同用之則使智者恨也或推遠而苟容

今或直言之諤諤

言臣承順君非可推可遠苟自容入以得高位有直言諤

諤諫正君非而反放棄傷誠是之不察兮并

茅絲以爲索

單爲糾合爲索言已誠傷念君待遇苟合之人與忠直之士曾無別

異猶并糾絲與茅共爲索也

方世俗之幽昏兮

幽昏不明也

眩白

黑之美惡

眩惑也言方今之世君臣不明惑於貪濁眩於白黑不能知人善惡之情

也放山淵之龜玉兮

龜可以決言吉凶人亦寶之今放棄也

相與

貫夫礫石

小石爲礫言世人皆棄崑山之玉大澤之龜反相與重貴小石也言闇君

貴佞僞賤忠直也

梅伯數諫而至醢兮

已解於前也

來革順

志而用國

來革糾佞臣也言來革佞諂從順糾意故得顯用持國權也

悲仁

人之盡節兮反爲小人之所賊

言哀傷梅伯盡忠直之節諫正

於紂反爲來革所譖而被賊害也

比干忠諫而剖心兮箕子被

髮而佯狂

已解於九章

水背流而源竭兮木去根而

不長

言水橫流背其源泉則枯竭木去其根株則枝葉不長也以言人背仁義違忠信亦

將遇害也

非重軀以慮難兮惜傷身之無功

功叶音

非重愛我身以慮難而不竭忠誠傷生於世間無功德於民也

已矣哉獨不見

夫鸞鳳之高翔兮乃集太皇之壁

太皇之壁太荒之藪

四極而回周兮見盛德而後下

言鸞鳥鳳皇乃高飛於天太荒

之野循於四極回周而戲見仁聖之王乃下

集歸於有德也以言賢者亦安處山澤之中周流觀望見高明之君乃當仕也

彼聖人之神德兮遠濁世而自

藏

言彼神智之鳥乃與聖人合德見非其時則遠藏匿迹言已亦宜效之也

使麒麟

可得羈而係兮又何以異序犬羊

言麒麟仁智之獸遠見避

害常藏隱不見有聖德之君乃肯來出如使可得羈係而畜之則與犬羊無異不足貴也言賢者亦以不可枉屈爲高如可趨走亦不足稱也

賈長沙集卷之二

漢洛陽賈誼著

明聞漳張熒纂

疏

論時政疏

臣竊惟事執可爲痛哭者一可爲流涕者二可
爲長太息者六若其它背理而傷道者難徧以
疏舉進言者皆曰天下已安已治矣臣獨以爲
未也曰安且治者非愚則諛皆非事實知治亂

之體者也夫抱火厝之積薪之下而寢其上火
未及燃因謂之安方今之勢何以異此本末舛
逆首尾衡決國制捨攘非甚有紀胡可謂治陞
下何不一令臣得熟數之於前因陳治安之策
試詳擇焉夫射獵之娛與安危之機孰急使爲
治勞智慮苦身體乏鐘鼓之樂勿爲可也樂與
今同而加之諸侯軌道兵革不動民保首領凶
奴賓服四荒鄉風百姓素朴獄訟衰息大數旣
得則天下順治海內之氣清和咸理生爲明帝

沒爲明神名譽之美垂於無窮禮禮不功而宗
有德使顧成之廟稱爲太宗上配太祖與漢王
極建久安之軌成長治之業以承祖廟以奉六
親至孝也以幸天下以育羣生至仁也立經陳
紀輕重同得後可以爲萬世法程雖有愚幼不
肖之嗣猶得蒙業而安至明也以陛下之明達
因使少知治體者得佐下風致此非難也其具
可素陳於前願幸無忽臣謹稽之天地驗之往
古按之當今之務日夜念此至熟也雖使舜禹

復生爲陛下計亡以易此夫樹國固必相疑之
孰下數被其殃上數爽其憂甚非所以安上而
全下也今或親弟謀爲東帝親兄之子西鄉而
擊今吳又見告矣天子春秋鼎盛行義未過德
澤有加焉猶尚如是况莫大諸侯權力且十此
者乎然而天下少安何也大國之王幼弱未壯
漢之所置傳相方握其事數年之後諸侯之王
大抵皆冠血氣方剛漢之傳相稱病而賜罷彼
自丞尉以上偏置私人如此有異淮南濟北之

爲邪此時而欲爲治安雖堯舜不治黃帝曰日
中必熒操刀必割今令此道順而全安甚易不
肯早爲已廼墮骨肉之屬而抗到之豈有異秦
之季世乎夫以天子之位乘今之時因天之助
尚憚以危爲安以亂爲治假設陛下居齊桓之
處將不合諸侯而匡天下乎臣又知陛下有所
必不能矣假設天下如曩時淮陰侯尚王楚黥
布王淮南彭越王梁韓信王韓張敖王趙貫高
爲相盧綰王燕陳豨在代今此六七公者皆亡

恙當是時而陛下卽天子位能自安乎臣有以
知陛下之不能也天下殺亂高皇帝與諸公併
起非有仄室之執以豫席之也諸公幸者廼爲
中涓其次厪得舍人材之不逮至遠也高皇帝
以明聖威武卽天子位割膏腴之地以王諸公
多者百餘城少者乃三四十縣德至渥也然其
後十年之間反者九起陛下之與諸公非親角
材而臣之也又非身封王之也自高皇帝不能
以是一歲爲安故臣知陛下之不能也然尚有

可誘者曰疏臣請試言其親者假令悼惠王王齊元王王楚中子王趙幽王王淮陽共王王梁靈王王燕厲王王淮南六七貴人皆亡恙當是時陛下卽位能爲治乎臣又知陛下之不能也若此諸王雖名爲臣實皆有布衣昆弟之心慮亡不帝制而天子自爲者擅爵人赦死辜甚者或戴黃屋漢法令非行也雖行不軌如厲王者令之不肯聽召之安可致乎幸而來至法安可得加動一親戚天下圜視而起陛下之臣雖有

悍如馮敬者適啓其口七首已陷其匈矣陛下
雖賢誰與領此故疏者必危親者必亂已然之
效也其異姓負疆而動者漢已幸勝之矣又不
易其所以然同姓襲是跡而動既有徵矣其執
盡又復然殃眚之變未知所移明帝處之尚不
能以安後世將如之何屠牛坦一朝解十二牛
而芒刃不頓者所排擊剝割皆衆理解也至於
髡髀之所非斤則斧夫仁義恩厚人主之芒刃
也權執法制人主之斤斧也今諸侯王皆衆髡

牌也釋斤斧之用而欲嬰以芒刃臣以爲不缺
則折胡不用之淮南濟北執不可也臣竊跡前
事大抵彊者先反淮陰王楚最彊則最先反韓
信倚胡則又反貫高因趙資則又反陳豨兵精
則又反彭越用梁則又反黥布用淮南則又反
盧綰最弱最後反長沙廼在二萬五千戶耳功
少而最完執疏而最忠非獨性異人也亦形勢
然也曩令樊鄴絳灌據數十城而王今雖以殘
亡可也今信越之倫列爲徹侯而居雖至今存

可也然則天下之大計可知已欲諸王之皆忠
附則莫若令如長沙王欲臣子勿殖醢則莫若
令如樊鄴等欲天下之治安莫若衆建諸侯而
少其力力少則易使以義國小則亡邪心令海
內之執如身之使臂臂之使指莫不制從諸侯
之君不敢有異心輻輳竝進而歸命天子雖在
細民且知其安故天下咸知陛下之明割地定
制令齊趙楚各爲若干國使悼惠王幽王元王
之子孫畢以次各受祖之分地地盡而止及燕

梁他國皆然其分地衆而子孫少者建以爲國
空而置之須其子孫生者舉使君之諸侯之地
其削頗入漢者爲徙其侯國及封其子孫也所
以數償之一寸之地一人之衆天子亡所利焉
誠以定治而已故天下咸知陛下之廉地制一
定宗室子孫莫慮不王下無倍畔之心上無誅
伐之志故天下咸知陛下之仁法立而不犯令
行而不逆貫高利幾之謀不生柴奇開章之計
不萌細民鄉善大臣致順故天下咸知陛下之

義臥赤子天下之上而安植遺腹朝委裘而天下不亂當時大治後世誦聖一動而王業附陛下誰憚而久不爲此天下之執方病大瘡一脛之大幾如要一指之大幾如股平居不可屈信一二指搐身慮亡聊失今不治必爲痼疾後雖有扁鵲不能爲已病非徒瘡也又苦踈盪元王之子帝之從弟也今之王者從弟之子也惠王親兄子也今之王者兄子之子也親者或亡分地以安天下疏者或制大權以偪天子臣故曰

非徒病瘡也又苦蹶蹙可爲痛哭者此病是也
天下之執方倒縣凡天子者天下之首何也上
也蠻夷者天下之足何也下也今匈奴嫚侮侵
掠至不敬也爲天下患至亡已也而漢歲致金
絮采繒以奉之夷狄徵令是主上之操也天子
共貢是臣下之禮也足反居上首顧居下倒縣
如此莫之能解猶爲國有人乎非亶倒縣而已
又顛辟且病痲夫辟者一面病痲者一方痛今
西邊北邊之郡雖有長爵不輕得復五尺以上

不輕得息斥候望烽燧不得臥將吏被介冑而
睡臣故曰一方病矣醫能治之而上不使可爲
流涕者此也陛下何忍以帝王之號而爲戎人
諸侯執旣卑辱而旣不息長此安窮進謀者率
以爲是固不可解也亡具甚矣臣竊料匈奴之
衆不過漢一大縣以天下之大困於一縣之衆
甚爲執事者羞之陛下何不試以臣爲屬國之
官以主匈奴行臣之計請必係單于之頸而制
其命伏中行說而答其背舉匈奴之衆唯上之

令今不獵猛敵而獵田鼠不搏反寇而搏畜豕
翫細娛而不圖大患非所以爲安也德可遠施
威可遠加而直數百里外威令不信可爲流涕
者此也今民賣僮者爲之繡衣絳履偏諸緣肉
之閑中是古天子后服所以廟而不宴者也而
庶人得以衣婢妾白縠之表薄紈之裏縋以偏
諸美者黼黻是古天子之服今富人大賈嘉會
召客者以被牆古者以奉一帝一后而節適今
庶人屋壁得爲帝服倡優下賤得爲后飾然而

天下不屈者殆未有也且帝之身自衣皁綈而
富民牆屋被文繡天子之后以緣其領庶人夔
妾以緣其履此臣所謂舛也夫百人作之不能
衣一人欲天下亡寒胡可得也一人耕之十人
聚而食之欲天下亡饑不可得也饑寒切於民
之肌膚欲其亡爲姦邪不可得也國已屈矣盜
賊直須時耳然而獻計者曰毋動爲大耳夫俗
至大不敬也至亡等也至冒上也進計者猶曰
毋爲可爲長太息者此也商君遺禮諡棄仁恩

并心於進取行之二歲秦俗日敗故秦人家富
子壯則出分家貧子壯則出贅借父耰耒慮有
德色毋取箕箒立而諄語抱哺其子與公併倨
婦姑不相說則反脣而相謗其慈子嗜利不同
禽獸者亡幾耳然并心而赴時猶曰歷六國兼
天下功成求得矣終不知反廉愧之節仁義之
厚信并兼之法遂進取之業天下大敗衆掩寡
智欺愚勇威怯壯陵衰其亂至矣是以大賢起
之威震海內德從天下曩之爲秦者今轉而爲

漢矣然其遺風餘俗猶尚未改今世以侈靡相競而上亡制度棄禮誼捐廉恥日甚可謂月異而歲不同矣逐利不耳慮非顧行也今其甚者殺父兄矣盜者剽寢戶之簾奪兩廟之器白晝大都之中剽吏而奪之金矯儒者出幾十萬石粟賦六百餘萬錢乘傳而行郡國此其亡行義之尤至者也而大臣特以簿書不報期會之間以爲大故至於俗流失世壞敗因恬而不知恠慮不動於耳目以爲是適然耳夫移風易俗使

天下回心而鄉道顛非俗吏之所能爲也俗吏之所務在於刃筆筐篋而不知大體陛下又不自愛竊爲陛下惜之夫立君臣等上下使父子有禮六親有紀此非天之所爲人之所設也夫人之所設不爲不立不植則僵不修則壞筦子曰禮義廉恥是謂四維四維不張國乃滅亡使筦子愚人也則可筦子而少知治體則是豈可不爲寒心哉秦滅四維而不張故君臣乖亂六親殃戮姦人竝起萬民離叛凡十三歲而社稷

爲墟今四維猶未備也故姦人幾幸而衆心疑
惑豈如今定經制令君君臣臣上下有差父子
六親各得其宜姦人下所幾幸而羣臣衆信上
不疑惑此業一定世世常安而後有所持循矣
若夫經制不定是猶度江河亡維楫中流而遇
風波船必覆矣可爲長太息者此也夏爲天子
十有餘世而殷受之殷爲天子二十餘世而周
受之周爲天子三十餘世而秦受之秦爲天子
二世而下人性不甚相遠也何三代之君有道

之長而秦無道之暴也其故可知也古之王者
太子廼生固舉以禮使士負之有司齊肅端冕
見之南郊見于天也過闕則下過廟則趨孝子
之道也故自爲赤子而教固已行矣昔者成王
幼在緇抱之中召公爲太保周公爲太傅太公
爲太師保保其身體傅傅之德義師道之教訓
此三公之職也於是爲置三少皆上大夫也曰
少保少傅少師是與太子宴者也故廼孩提有
識三公三少固明孝仁禮義以道習之逐去邪

人不使見惡行於是皆選天下之端士孝悌博聞有道術者以衛翼之使與太子居處出入故太子廼生而見正事聞正言行正道左右前後皆正人也夫習與正人居之不能毋正猶生長於齊不能不齊言也習與不正人居之不能毋不正猶生長於楚之地不能不楚言也故擇其所嗜必先受業廼得嘗之擇其所樂必先有習廼得爲之孔子曰少成若天性習慣如自然及太子少長知妃色則入于學學者所學之官也

學禮曰帝入東學上親而貴仁則親疏有序而
恩相及矣帝入南學上齒而貴信則長幼有差
而民不誣矣帝入西學上賢而貴德則聖智在
位而功不遺矣帝入北學上貴而尊爵則貴賤
有等而下不踰矣帝入太學承師問道退習而
考於太傅太傅罰其不則而匡其不及則德智
長而治道得矣此五學者旣成於上則百姓黎
民化輯於下矣及太子旣冠成人免於保傅之
嚴則有記過之史徹膳之宰進善之旌誹謗之

木政諫之鼓瞽史誦詩工誦箴諫大夫進謀士
傳民語習與智長故切而不愧化與心成故中
道若性三代之禮春朝朝日秋暮夕月所以明
有敬也春秋入學坐國老執醬而親餽之所以
明有孝也行以鸞和步中采齊趣中肆夏所以
明有度也其於禽獸見其生不忍其死聞其聲
不食其肉故遠庖廚所以長恩且明有仁也夫
三代之所以長久者以其輔翼太子有此具也
及秦而不然其俗固非貴辭讓也所上者告訐

也固非貴禮義也所上者刑罰也便趙高傳胡
亥而殺之獄所習者非斬卿人則夷人之三族
也故胡亥今日卽位而明日殺人忠諫者謂之
誹謗深計者謂之妖言其視殺人若艾草管然
豈惟胡亥之性惡哉彼其所以道之者非其理
故也鄙諺曰不習爲吏視已成事又曰前車覆
後車誡夫三代之所以長久者其已事可知也
然而不能從者是不法聖智也秦世之所以亟
絕者其輒跡可見也然而不避是後車又將覆

也夫存亡之變安危之機其要在是矣天下之命縣於太子太子之善在於早諭教與選左右夫心未濫而先諭教則化易成也開於道術智誼之指則教之力也若其服習積貫則左右而已夫胡粵之人生而同聲嗜欲不異及其長而成俗累數譯而不能相通行者有雖死而不相爲者則教習然也臣故曰選左右早諭教最急夫教得而左右正則太子正矣太子正而天下定矣書曰一人有慶兆民賴之此時務也凡人

之智能見已然不能見將然大體者禁於將然之前而法者禁於已然之後是故法之所用易見而禮之所爲難知也若夫慶賞以勸善刑罰以懲惡先王執此之政堅如金石行此之令信如四時據此之公無私如天地耳豈顧不用哉然而曰禮云禮云者貴絕惡於未萌而起教於微眇使民日遷善遠暴而不自知也孔子曰聽訟吾猶人也必也使毋訟乎爲人主計者莫如先審取舍取舍之極定於內而安危之萌應於

外矣安者非一日而安也危者非一日而危也
皆以積漸然不可不察也人主之所積在於取
舍以禮義治之者積禮義以刑罰治之者積刑
罰刑罰積而民怨背禮義積而民和親故世主
欲民之善同而所以使民善者或異或道之以
德教或毆之以法令道之以德教者德教洽而
民氣樂毆之以法令者法令極而民風哀哀樂
之感禍福之應也秦王之欲尊宗廟而安子孫
與湯武同然而湯武廣大其德行六七百載而

弗失秦王治天下十餘歲則大敗此亡它故矣
湯武之定取舍審而秦王之定取舍不審矣失
天下大器也今人之置器置諸安處則安置諸
危處則危天下之情與器亡以異在天子之所
置之湯武置天下於仁義禮樂而德澤洽禽獸
草木廣裕德被蠻貊四夷累子孫數十世此天
下所共聞也秦王置天下於法令刑罰德澤亡
一有而怨毒盈於世下憎惡之如仇讐敵幾及
身子孫誅絕此天下之所共見也是非其明效

大駭邪人之言曰聽言之道必以其事觀之則
言者莫敢妄言今或言禮誼之不如法令教化
之不如刑罰人主胡不引殷周秦事以觀之也
人主之尊譬如堂群臣如陛衆庶如地故陛九
級上簾遠地則堂高陛亡級簾近地則堂卑高
者難攀卑者易陵理執然也故古者聖王制爲
等列內有公卿大夫士外有公侯伯子男然後
有官師小吏延及庶人等級分明而天子加焉
故其尊不可及也里諺曰欲拔鼠而忌噐此善

諭也最近於器尚憚不挽恐傷其體況於貴臣
之近主乎廉耻節禮以治君子故有賜死而亡
戮辱是以黜削之辱不及大夫以其離主上不
遠也禮不敢齒君之路馬蹙其芻者有罰見君
之几杖則起遭君之乘車則下入正門則趨君
之寵臣雖或有過刑戮之辱未加其身者尊君
之故也此所以爲主上豫遠不敬也所以體貌
大臣而厲其節也今自王侯三公之貴皆天子
之所啟容而禮之也古天子之所謂伯父伯舅

也而令與衆庶同黥劓髡笞僇棄市之法然則堂不亡陛乎被戮辱者不忝迫虐廉耻不行大臣無廼握重權大官而有徒隸亡耻之心虐天望夷之事二世見當以重法者投鼠而不忌噐之習也臣聞之履雖鮮不加於枕冠雖敝不以苴履夫掌已在貴寵之位天子改容而體貌之矣吏民嘗俯伏以敬畏之矣今而有過帝令廢之可也退之可也賜之死可也滅之可也若夫束縛之係縶之輪之司寇繃之徒官司寇小

吏詈罵而榜笞之殆非所以令衆漸見也夫卑
賤者習知尊貴者之一旦吾亦適可以加此也
非所以習天下也非尊尊貴貴之化也夫天子
之所嘗敬衆庶之所嘗寵死而死耳賤人安宜
得如此而頃辱之哉豫讓事中行之君智伯伐
而滅之移事智伯及趙滅智伯豫讓繫絢吞炭
必報襄子五起而不中人問豫子豫子曰中行
衆人畜我我故衆人事之智伯國士遇我我故
國士報之故此一豫讓也反君事讐行若狗彘

已而抗節致忠行出乎烈士人主使然也故主
上遇其大臣如遇犬馬彼將犬馬自為也如遇
官徒彼將官徒自為也頑頓亡耻隳詬亡節廉
耻不立且不自好苟若而可故見利則逝見便
則奪主上有敗則因而挺之矣主上有患則吾
苟免而已立而觀之耳有便吾身者則欺賣而
利之耳人主將何便於此群下至衆而主上至
少也所託財器職業者粹於群下也俱亡耻俱
苟妄則主上最病故古者禮不及庶人刑不至

大夫所以厲寵臣之節也古者大臣有坐不廉
而廢者不謂不廉曰簠簋不飾坐汙穢滯亂男
女亡別者不曰汙穢曰帷薄不脩坐罷軟不勝
任者不謂罷軟曰下官不職故貴大臣定有其
罪矣猶未斥然正以諄之也尚遷就而爲之諱
也故其在大譴大訶之域者聞譴訶則白冠鵲
纓盤水加劒造請室而請舉耳上不執縛係引
而行也其有中罪者聞命而自弛上不使人頸
鑿而加也其有大罪者聞命則北面再拜跪而

自裁上不使粹抑而刑之也曰子大夫自有過
耳吾遇子有禮矣遇之有禮故群臣自憙嬰以
廉耻故人矜節行上設廉耻禮義以遇其臣而
臣不以節行報其上者則非人類也故化成俗
定則爲人臣者主耳忘身國耳忘家公耳忘私
利不苟就害不苟去唯義所在上之化也故父
兄之臣誠死宗廟法度之臣誠死社稷輔翼之
臣誠死君上守圉扞敵之臣誠死城郭封疆故
曰聖人有金城者此物此志也彼且爲我死故

吾得與之俱生彼且爲我亡故吾得與之俱存
夫將爲我危故吾得與之皆安顧行而忘利守
節而伏義故可以託不御之權可以寄六尺之
孤此厲廉耻行禮義之所致也主上何喪焉此
之不爲而顧彼之久行故曰可爲長太息者此
也

賈長沙集卷之三

漢洛陽賈誼著

明閩漳張燮纂

疏

論積貯疏

管子曰倉廩實而知禮節民不足而可治者自古及今未之嘗聞古之人曰一夫不耕或受之饑一女不織或受之寒生之有時而用之亡度則物力必屈古之治天下至纖至悉故其畜積

足恃今背本而趨末食之者甚衆是天下之大
殘也滛侈之俗日月以長是天下之大賊也殘
賊公行莫之或止大命將泛莫之振救生之者
甚少而靡之者甚多天下財產何得不蹙漢之
爲漢幾四十年矣公私之積猶可哀痛失時不
雨民且狼顧歲惡不入請賣爵子旣聞耳矣安
有爲天下阡危者若是而上不驚者世之有饑
穰天之行也禹湯被之矣卽不幸有方二三千
里之旱國胡以相恤卒然邊境有急數十百萬

之衆國胡以餽之兵卒相乘天下太愚有勇力者聚徒而衝擊罷夫靡老易于而陵其骨政治未卑通也遠方之能疑者並舉而爭起矣廼駭而圖之豈將有及乎夫積貯者天下之大命也苟衆多而財有餘何爲而不成以攻則取以守則固以戰則勝懷敵附遠何招而不至今毆民而歸之農皆著於本使天下各食其力末枝游食之民轉而緣南畝則畜積足而人樂其所矣可以爲富安天下而直爲此廩廩也

上都輸疏

天子都長安而以淮南東道爲奉地鐵道數千
不輕致輸郡或乃越諸侯而遠調均發徵至無
狀也古者天子之地方千里中之而爲都輸將
繇使其遠者不在五百里而至公侯地百里中
之而爲都輸將繇使遠者不在五十里而至輸
者不苦其繇繇者不傷其費故遠方人安及秦
不能分人寸地欲自有之輸將起海上而來一
錢之賦數十錢之費不輕而致也上之所得甚

少而人之苦甚多也

諫鑄錢疏

孝文五年爲錢多而輕乃更鑄四銖錢
其文爲半兩除盜鑄錢令使民放鑄誼
諫不聽

法使天下公得顧祖鑄銅錫爲錢敢雜以鉛鐵
爲它巧者其罪黥然鑄錢之情非殺雜爲巧則
不可得羸而殺之甚微爲利甚厚夫事有召禍
而法有起姦今令細民人操造幣之勢各隱屏
而鑄作因欲禁其厚利微姦雖黥罪日報其執
不止廼者民人抵罪多者一縣百數及吏之所

疑榜笞奔走者甚衆夫縣法以誘民使入陷阱孰積於此曩禁鑄錢死罪積下今公鑄錢黥罪積下爲法若此上何賴焉文民用錢郡縣不同或用輕錢百加若干或用重錢平稱不受法錢不立吏急而壹之庠則大爲煩苛而力不能勝縱而弗呵庠則市肆興用錢文大亂苟非其術何鄉而可哉今農事棄捐而采銅者日蕃釋其耒耨冶鑄炊炭竊錢日多五穀不爲多善人怵而爲姦邪愿民陷而之刑戮刑戮將甚不詳奈

何而忽國知患此吏議必曰禁之禁之不得其
術其傷必大令禁鑄錢則錢必重重則其利深
盜鑄如雲而起棄市之罪又不足以禁矣姦數
不勝而法禁數潰銅使之然也故銅布於天下
其爲禍博矣今博禍可除而七福可致也何謂
七福上收銅勿令布則民不鑄錢黥罪不積一
矣僞錢不蕃民不相疑二矣采銅鑄作者反於
耕田三矣銅畢歸於上上挾銅積呂御輕重錢
輕則呂術歛之重則呂術散之貨物必平四矣

臣作兵器臣銀錢臣多少有制用別貴賤五矣
臣臨萬貨臣調盈虛臣收奇羨則官富實而末
民困六矣制吾器財臣與匈奴逐爭其民則敵
必懷七矣故善爲天下者因禍而爲福轉敗而
爲功今久退七福而行惴禍臣誠傷之

請封建子弟疏

陛下卽不定制如今之執不過一傳再傳諸侯
猶且入恣而不制豪植而太強漢法不待行矣
陛下所以爲蕃杆及皇太子之所恃者唯淮陽
代二國耳代北邊匈奴與強敵爲鄰能自完則
足矣而淮陽之比大諸侯廼如黑子之著面適
足以餌大國耳不足以有所禁禦方今制在陛
下制國而令子適足以爲餌豈可謂工哉人主
之行異布衣布衣者飾小行競小廉以自託於

鄉黨人主唯天下安社稷固不耳高皇帝瓜分天下以王功臣反者如蝟毛而起以爲不可故蘇去不義諸侯而虛其國擇良日立諸子雒陽上東門之外卅以爲王而天下安故大人者不牽小行以成大功今淮南地遠者或數千里越兩諸侯而縣屬於漢其吏民繇役往來長安者自悉而補中道衣敝錢用諸費稱此其苦屬漢而欲得王至甚逋逃而歸諸侯者已不少矣其孰不可久臣之愚計願舉淮南地以益淮陽而

爲梁王立後割淮陽北邊二三列城與東郡以
益梁不可者可徙代王而都臨陽吳起於新鄴
以北著之河淮陽包陳以南繼之江則大諸侯
之有異心者破膽而不敢謀梁足以扞齊趙淮
陽足以禁吳楚陛下高枕終亡山東之憂矣此
二世之利也當今恬然適遇諸侯之皆少數歲
之後陛下且見之矣夫秦日夜苦心勞力以除
六國之禍今陛下力制天下願指如意高拱以
處六國之禍難以言智苟身亡事畜亂宿禍熟

親而不定萬年之後傳之老母弱子將使不寧
不可謂仁臣聞聖王言問其臣而不自造事故
使人臣得畢其愚忠唯陛下裁幸

諫立淮南諸子疏

竊恐陛下接王淮南諸子曾不與如臣者孰計之也淮南王之悖逆亡道天下孰不知其辜陛下幸而赦遷之自疾而死天下孰以王死之不當今奉尊罪人之子適足以負謗於天下耳此人少壯豈能忘其父哉白公勝所爲父報仇者大父與伯父叔父也白公爲亂非欲取國代主也發忿快志剡手以衝仇人之匈固爲俱靡而已淮南雖小黥布甞用之矣漢存特幸耳夫擅

仇人足以危漢之資於策不便雖割而爲四四
子一心也予之衆積之財此非有子胥白公報
於廣都之中卽疑有荆軻起於兩柱之間
所謂假賊兵爲虎翼者也願陛下少留計

論

過秦論

上

秦孝公據殽函之固擁雍州之地君臣固守以
窺周室有席卷天下包舉宇內囊括四海之意
并吞八荒之心當是時商君佐之內立法度務
耕織修守戰之備外連衡而闕諸侯於是秦人
拱手而取西河之外孝公既沒惠文武昭蒙故
業因遺策南取漢中西舉巴蜀東割膏腴之地
收要害之郡諸侯恐懼會盟而謀弱秦不愛珍

器重寶肥美之地以致天下之士合從締交相
與爲一當是時齊有孟嘗趙有平原楚有春申
魏有信陵此四君者皆明智而忠信寬厚而愛
人尊賢而重士約從離衡并韓魏燕楚齊趙宋
衛中山之衆於是六國之士有寧越徐尚蘇秦
杜赫之屬爲之謀齊明周最陳軫昭滑樓緩翟
景蘇厲樂毅之徒通其意吳起孫臏帶佗兒良
王廖田忌廉頗趙奢之倫制其兵常以十倍之
地百萬之衆叩關而攻秦秦人開關延敵九國

之師逡巡遁逃而不敢進秦無亡矢遺鏃之費而天下諸侯已困矣於是從散約解爭割地而奉秦秦有餘力而制其敝遺亡逐北伏尸百萬流血漂鹵因利乘便宰割天下分裂河山疆國請服弱國入朝廷及孝文王莊襄王享國日淺國家無事及至始皇奮六世之餘烈振長策而御宇內吞二周而亡諸侯履至尊而制六合執敲扑以鞭笞天下威振四海南取百越之地以爲桂林象郡百越之君俛首係頸委命下吏乃

使蒙恬北築長城而守濬離却匈奴七百餘里
胡人不敢南下而牧馬士不敢彎弓而報怨於
是廢先王之道焚百家之言以愚黔首墮名城
殺豪傑收天下之兵聚之咸陽銷鋒鑄鏑以爲
金人十二以弱天下之民然後踐華爲城因河
爲津據億丈之城臨不測之谿以爲固良將勁
弩守要害之處信臣精卒陳利兵而誰何天下
已定始皇之心自以爲關中之固金城千里子
孫帝王萬世之業也始皇旣沒餘威振於殊俗

然而陳涉騷牖繩樞之子昨耕之人而遷徙之
徒才能不及中人非有仲尼墨翟之賢陶朱猗
頓之富躡足行伍之間而偶起阡陌之中率罷
散之卒將數百之衆轉而攻秦斬木爲兵揭竿
爲旗天下雲集響應贏糧而景從山東豪俊遂
並起而亡秦族矣且夫天下非小弱也雍州之
地殺函之固自若也陳涉之位非尊於齊楚燕
趙韓魏宋衛中山之君也鉏耰棘矜非銛於鉤
戟長鎗也適戍之衆非抗於九國之師也深謀

遠慮行軍用兵之道非及鄉時之士也然而成
敗異變功業相反試使山東之國與陳涉度長
絜大比權量力則不可同年而語矣然秦以區
區之地致萬乘之權招八州而朝同列百有餘
年矣然後以六合爲家殺函爲宮一夫作難而
七廟墮身死人手爲天下笑者何也仁義不施
而攻守之勢異也

過秦論

中

秦并海內兼諸侯南面稱帝以養四海天下之士斐然鄉風若是者何也曰近古之無王者久矣周室卑微五霸既歿令不行於天下是以諸侯力政彊侵弱衆暴寡兵革不休士民罷敝今秦南面而王天下是上有天子也既元元之民冀得安其性命莫不虛心而仰上當此之時守威定功安危之本在於此矣始皇懷貪鄙之心行自奮之智不信功臣不親士民廢王道立私

權禁文書而酷刑法先詐力而後仁義以暴虐
爲天下始夫并兼者高詐力安定者貴順權此
言取與守不同術也秦離戰國而王天下其道
不易其政不改是其所以取之守之者異也孤
獨而有之故其亡可立而待借使始皇計上世
之事並殷周之迹以制御其政後雖有淫驕之
主而未有傾危之患也故三王之建天下名號
顯美功業長久今秦二世立天下莫不引領而
觀其政夫寒者利短褐而饑者甘糟糠天下之

整饬新主之資也此言勞民之易爲仁也鄉使
二世有庸主之行而任忠賢臣主一心而憂海
內之患縞素而正先帝之過裂地分民以封功
臣之後建國立君以禮天下虛囹圄而免刑戮
除去收帑汙穢之罪使各反其鄉里發倉廩散
財幣以振孤獨窮困之士輕賦少事以佐百姓
之急約法省刑以持其後使天下之人皆得自
新更節脩行各慎其身塞萬民之望而以威德
與天下天下集矣卽四海之內皆謹然各自安

樂其處唯恐有變雖有狡獪之民無離上之心
則不軌之臣無以飾其智而暴亂之奸止矣二
世不行此術而重之以無道壞宗廟與民更始
作阿房宮繁刑嚴誅吏治刻深賞罰不當賦歛
無度天下多事吏弗能紀百姓困窮而主弗收
恤然後奸僞並起而上下相遁蒙罪者衆刑戮
相望於道而天下苦之自君卿以下至於衆庶
人懷自危之心親處窮苦之實咸不安其位故
易動也是以陳涉不用湯武之賢不藉公侯之

尊奮管於大澤而天下響應者其民危也故先
王見始終之變知存亡之機是以察民之道務
在安之而已天下雖有進行之臣必無響應之
助矣故曰安民可與行義而危民易與爲非此
之謂也貴爲天子富有天下身不免於戮殺者
正傾非也是二世之過也

過秦論下

秦并兼諸侯山東三十餘郡繕津關據險塞修
甲兵而守之然陳涉以戍卒散亂之衆數百奮
臂大呼不用弓戟之兵鉏耰白梃望屋而食橫
行天下秦人阻險不守關梁不闔長戟不刺彊
弩不射楚師深入戰於鴻門曾無藩籬之艱於
是山東大擾諸侯並起豪俊相立秦使章邯將
而東征章邯因以三軍之衆要市於外以謀其
上羣臣之不信可見於此矣子嬰立遂不寤藉

使子嬰有庸主之材僅得中佐山東雖亂秦之地可全而有宗廟之祀未當絕也秦地被山帶河以爲固四塞之國也自繆公以來至於始皇二十餘君常爲諸侯雄豈世世賢哉其勢居然也且天下嘗同心并力而攻秦矣當此之時賢智並列良將行其師賢相通其謀然困於阻險而不能進秦乃延入戰而爲之開關百萬之徒逃北而遂壞豈勇力智慧不足哉形不利勢不便也秦小邑并大城守險塞而軍高壘毋戰則

關據阨荷戟而守之諸侯起於匹夫以利合非
有素王之行也其交未親其下未附名爲亡秦
其實利之也彼見秦阻之難犯也必退師安土
息民以待其敝收弱扶罷以令大國之君不患
不得意於海內貴爲天子富有天下而身爲禽
者其救敗非也始皇足已不問遂過而不變二
世受之因而不改暴虐以重禍子嬰孤立無親
危弱無輔三主惑而終身不悟亡不亦宜乎當
此時也世非無深慮知化之士也然所以不敢

盡忠拂過者秦俗多忌諱之禁忠言未卒於口
而身爲戮沒矣故使天下之士傾耳而聽重足
而立箝口而不言是以三主失道忠臣不敢諫
智士不敢謀天下已亂奸不上聞豈不哀哉先
王知壅蔽之傷國也故置公卿大夫士以脩法
設刑而天下治其彊也禁暴誅亂而天下服其
弱也五伯征而諸侯從其削也內守外附而社
稷存故秦之盛也繁法嚴刑而天下振及其衰
也百姓怨望而海內畔矣故周王序得其道而

千餘歲不絕泰本末並失故不長久由此觀之
安危之統相去遠矣野諺曰前事之不忘後事
之師也是以君子爲國觀之上古驗之當世參
以人事察盛衰之理審權勢之宜去就有序變
化有時故曠日長久而社稷安矣

附錄

賈生傳

漢司馬遷

賈生名誼雒陽人也年十八以能誦詩屬書聞於郡中吳廷尉爲河南守聞其秀才召置門下甚幸愛孝文皇帝初立聞河南守吳公治平爲天下第一故與李斯同邑而常學事焉乃徵爲廷尉廷尉乃言賈生年少頗通諸子百家之書文帝召以爲博士是時賈生年二十餘最爲少每詔令議下諸老先生不能言賈生盡爲之對

人人各如其意所欲出諸生於是乃以爲能不及也孝文帝說之超遷一歲中至太中大夫賈生以爲漢興至孝文二十餘年天下和洽而固當改正朔易服色法制度定官名興禮樂乃悉草具其事儀法色尚黃數用五爲官名悉更秦之法孝文帝初卽位謙讓未遑也諸律令所更定及列侯悉就國其說皆自賈生發之於是天子議以爲賈生任公卿之位絳灌東陽侯馮敬之屬盡害之乃短賈生曰絳陽之八年少初學

專欲擅權紛亂諸事於是天子復詔疏之不用
其議乃以賈生爲長沙王太傅賈生旣辭徃行
聞長沙卑溼自以壽不得長又以適去意不自
得及度湘水爲賦以弔屈原賈生爲長沙王太
傅三年有鶚飛入賈生舍止於坐隅楚人命鶚
曰服賈生旣以適居長沙長沙卑溼自以爲壽
不得長傷悼之乃爲賦以自廣後歲餘賈生徵
見孝文帝方受釐坐宣室上因感鬼神事而問
鬼神之本賈生因具道所以然之狀至夜半文

帝前席旣罷曰吾久不見賈生自以爲過之今
不及也居頃之拜賈生爲梁懷王太傅梁懷王
文帝之少子愛而好書故令賈生傳之文帝後
封淮南厲王子四人皆爲列侯賈生諫以爲患
之興自此起矣賈生數上疏言諸侯或連數郡
非古之制可稍削之文帝不聽居數年懷王騎
墮馬而死無後賈生自傷爲傳無狀哭泣歲餘
亦死賈生之死時年三十三矣及孝文崩孝武
皇帝立舉賈生之孫二人至郡守而賈嘉最好

學世其家與余通書至孝昭時列爲九卿

賈誼傳

漢班固

賈誼雒陽人也年十八以能誦詩書屬文稱於
郡中河南守吳公聞其秀材召置門下甚幸愛
文帝初立聞河南守吳公治平爲天下第一故
與李斯同邑而嘗學事焉徵以爲廷尉廷尉廼
言誼年少頗通諸家之書文帝召以爲博士是
時誼年二十餘最爲少每詔令議下諸老先生
未能言誼盡爲之對人人各如其意所出諸生
於是以爲能文帝說之超遷歲中至太中大夫

詎以爲漢興二十餘年天下和洽宜當改正朔
易服色制度定官名興禮樂廼草具其儀法色
土黃數用五爲官名悉更秦之文帝謙讓未皇
也然諸法令所更定及列侯就國其說皆詎發
之於是天子議以詎任公卿之位絳灌東陽侯
馮敬之屬盡害之廼毀詎曰維陽之人年少初
學專欲擅權紛亂諸事於是天子後亦踈之不
用其議以詎爲長沙王太傅詎旣以適去意不
自得及度湘水爲賦以弔屈原屈原楚賢臣也

被讒放逐作離騷賦其終篇曰已矣國亡人莫
我知也遂自投江而死誼追傷之因以自諭誼
爲長沙傳三年有服飛入誼舍止於坐隅服似
鴟不祥鳥也誼旣以適居長沙卑濕誼自
傷悼以爲壽不得長廼爲賦以自廣後歲餘文
帝思誼徵之至入見上方受釐坐宣室上因感
鬼神事而問鬼神之本誼具道所以然之故至
夜半文帝前席旣罷曰吾久不見賈生自以爲
過之今不及也廼拜誼爲梁懷王太傅懷王上

少子愛而好書故令誼傳之數問以得失是時
匈奴疆侵邊天下初定制度疏闊諸侯王僭倣
通過古制淮南濟北王皆爲逆誅誼數上疏陳
政事多所欲匡建是時丞相絳侯周勃免就國
人有告勃謀反逮繫長安獄治卒亡事復爵邑
故賈誼以此譏上上深納其言養臣下有節是
後大臣有罪皆自殺不受刑至武帝時稍復入
獄自竇成始初文帝以代王入卽位後分代爲
兩國立皇子武爲代王參爲太原王小子勝則

梁王奭後又徙代王武爲淮陽王而太原王參
爲代王盡得故地居數年梁王勝死亡于誼上
疏請封建文帝於是從誼計廼徙淮陽王武爲
梁王北界泰山西至高陽得大縣四十餘城徙
城陽王喜爲淮南王撫其民時又封淮南厲王
四子皆爲列侯誼知上必將復王之也上疏諫
後梁王勝墜馬死誼自傷爲傳無狀常哭泣後
歲餘亦死賈生之死年三十三矣後四歲齊文
王薨亡子文帝思賈生之言廼分齊爲六國盡

立悼惠王子六人爲王又遷淮南王喜於陽城
而分淮南爲三國盡立厲王三子以王之後十
年文帝崩景帝立三年而吳楚趙與四齊王合
從舉兵西鄉京師梁王扞之卒破七國至武帝
時淮南厲王子爲王者兩國亦反誅孝武初立
舉賈生之孫二人至郡守賈嘉最好學世其家
贊曰劉向稱賈誼言三代與秦治亂之意其論
甚美通達國體雖古之伊管未能遠過也使時
見用功化必盛爲庸臣所害甚可悼痛追觀孝

文玄默躬行以移風俗誼之所陳畧施行矣原
欲改定制虔以漢爲主德色上黃數居五及經
試屬國施五餌三表以係單于其術固以疏矣
誼亦天年早終雖不至公卿未爲不遇也凡所
著述五十八篇掇其切於世事者著于傳云

賈生矯矯弱冠登朝遭文廟聖屢抗其疏暴秦
之戒三代是據建設藩屏以強守圉吳楚合從
賴誼之慮述賈誼第十八

弔賈誼文

有序

晉庾闕

中興二十三載余忝守衡南鼓棹三江路次巴陵望君山而過洞庭涉湘川而觀汨水臨賈生投書之川慨以永懷矣及造長沙觀其遺象喟然有感乃弔之云

偉哉蘭生而芳玉產而紫陽葩熙冰寒松負雪莫邪挺鏑天驥汗血荀云其儁誰與比傑是以高明倬茂獨發奇秀道率天真不議世疚煥乎若望舒耀景而焯群星矯乎若翔鸞拊翼而逸

宇宙也飛榮洛汭擢潁山東質清浮磬聲若孤
桐琅琅其璞巖巖其峯信道居正而以天下爲
公方駕逸步不以曲路期通是以張高絃悲聲
激柱落清唱未和而桑濮代作雖有惠音莫過
韶濩雖有騰鱗終什一壑嗚呼大庭旣邈玄風
悠緬皇道不以智降上德不以仁顯三五親譽
其軌可仰而標霸功雖逸其塗可翼而闡悲矣
先生何命之蹇懷寶如玉而生運之淺昔咎繇
謨虞呂尚歸昌德協充符乃應帝王夷吾相桓

漢登蕭張草廬三顧吳若蘭芳是以道隱則蟻
屈數感則鳳觀若棲不擇木翔非九五雖曰玉
折備才何補夫心非死灰智必存形形託神川
故能全生奈何蘭膏揚芳漢庭推景颯風獨喪
厥明悠悠太素存亡一指道來斯通世往斯圯
吾哀其生未見其死敢不敬弔寄之淥水

悼賈

唐虞日休

粵炎緒之嫺綿兮胡國慶之未彰天錫生以命
理兮興其道之益光備吳公之知賢兮遺其名
於文皇既轉致以召之兮遂位之於上庠愍羣
儒之悲愚兮對天問之不臧既群儒之讓俊兮
馳其譽之煌煌嗟大漢之丕緒兮斟其賢於汗
潢上下溷而不分兮議制削於驕王殺僂僂而
不制兮斷粹胡其寇攘羗虜坐以侵華兮曾不
能以抑強餌其嗜之延延兮寔三代之計良念

五德之更承兮論虺結而不綱乃秉臆以興說
兮數用五而色尚黃又諸侯以開國兮輸其租
於咸陽曾不得以撫民兮俾其君兮何忘請紆
綢以乘印兮各馳化於所疆上旣悅而欲大用
兮遭絳灌與東陽道旣擯兮何明乃出傳於沅
湘浮沅波之翕漚兮或漾棹以夷猶望靈均之
沒所兮顙其心之怊怊臨汨羅之浩漾兮想懷
沙之幽憂森樛蘿以蒼鬱兮時迸狎以相號霧
雨暗乎北渚囑疇毒乎芳洲景黯沮以不明兮

若天悼乎離騷香依依兮杜若韻淒淒兮纂勞
山隱隱以掃空兮煙微微而淡秋嗟吾不知所
感兮淚憤恨以橫流當抱憤於渺瀰兮曾無足
以少休旣莖亂以傷思兮又鵲鵲以動愁嗚呼
哀哉世旣不平頷吾道以爲非兮吾復何依蘋
蘭憔悴兮稂莠繁滋麟鳳匿迹兮梟獍騰威哲
匠罷斧兮拙者構之離婁閉目兮瞽者揚眉子
都蒙袂兮敦洽騁姿嗚呼哀哉亦先生之尤也
貽其世之不可兮何不解而去位又垂萬世之

名取捨在此奚自謫於童殺兮乃憫然而爲累
蓋伊尹三就五就之心兮異其民之可治奈惛
惛以不悟兮又被之以非議幸一人之再覺兮
荅受釐之興義旣辱王以墮駕兮乃冤慟而已
矣亂曰君不明兮莫我知幽都寂兮和涕歸文
懸日月兮俟後聖用之大故忽兮其何足悲

長沙過賈誼宅

唐劉長卿

三年謫宦此棲遲
萬古惟留楚客悲
秋草獨尋人去後
寒林空見日斜時
漢文有道恩猶薄
湘水無情弔豈知
寂寂江山搖落處
憐君何事到天涯

過賈誼宅

唐戴叔倫

一謫長沙地三年
歎逐臣上書發漢室作賦弔靈均
舊宅愁荒草西風薦客蘋
淒涼回首處不見洛陽人

賈生

唐李商隱

宣室求賢訪逐臣
賈生才調更無倫
可憐夜半虛前席
不問蒼生問鬼神

賈長沙

明張燮

洛陽雋神鋒
時清乃痛哭
忤絳氣全舒
弔屈道仍淑
宣室謂過之
席前長嘆伏
帝豈老長沙
千秋悲賦鵬

遺事

孝文始郊而張蒼據水德公孫臣賈誼更以爲
土德孝武之世文章爲盛倪寬司馬遷等猶從
臣誼之言服色數度遂順黃德彼以五德之傳
從所不勝秦在水德故謂漢據土克之

漢書郊
祀志

賈誼與鄧通侍中同位數廷議之因譖于文帝

風俗
通

宋忠爲中大夫賈誼爲博士同日俱出洗沐相
從論議誦易先王聖人之道術究徧人情相視

而歎賈誼曰吾聞古之聖人不居朝廷必在上
醫之中今吾已見三公九卿朝士大夫皆可知
矣試之上肆中以觀采二人卽同輿而之市游
於上肆中司馬季主閒坐弟子三四人侍二大
夫再拜謁司馬季主使弟子延之坐坐定徃復
數千言宋忠賈誼忽而自失再拜而辭居三日
宋忠見賈誼於殿門外相引屏語嘆曰道高益
安勢高益危居赫赫之勢失身且有日矣夫上
而不審不見奪糈爲人主計而不審身無所處

此相去遠矣此老子所謂無名者萬物之始也
天地曠曠物之熙熙或安或危莫知居之我與
若何足預彼哉彼久而愈安雖莊氏之義未有
以異也

史記

荊州賈誼宅地中有一井是誼所鑿上飲下大
其狀似壺傍有一腳石牀纔容一人坐相承云
誼宿所坐牀又有大枅樹亦誼所植

水經
註

集評

讀服鳥賦同生死輕去就爽然自失

史記

秦世不文頗有雜賦漢初詞人順流而作陸賈

叩其端賈誼振其緒

文心
雕龍

賈誼服鳥致辨于情理

文心
雕龍

賈誼才穎陵軼飛兔議攬而賦清豈虛至哉

文心

雕龍

賈誼浮湘發憤吊屈體同而事覈辭清而理哀

蓋首出之作也

文心
雕龍

賈生鵬賦云禍之與福何異糺纏此與物比理

者也

文心
雕龍

賈生俊發故文潔而體清

文心
雕龍

賈誼文辭最正近於治體

蕭穎
士